

ABILTEN

REZ Regionalna razvojna agencija za regiju Centralna BiH



U ovom broju:

- POSLOVNI SUSRETI SA HOLANDSKIM PRIVREDNICIMA
- BH PREDUZEĆA ZAJEDNO NA SAJMU SASO 2010.
- SEMINAR NA TEMU „UNAPREĐENJE INOVATIVNOSTI MALIH I SREDNJIH PREDUZEĆA U BIH“
- CAD INFO RADIONICE
- KONFERENCIJA „RAZVOJ POSLOVANJA 2010“
- PREZENTACIJA GRANT SREDSTAVA FIRMA PROJEKTA
- RADIONICA NA TEMU "CE OZNAČAVANJE"
- SASTANAK MREŽE MONITORA
- ZAVRŠEN CIKLUS SEMINARA ZA POSLOVNU INFRASTRUKTURU
- PREZENTACIJA PRIRUČNIKA ZA POSLOVNE ZONE
- PROJEKTI REZ AGENCIJE
- UPISANA NOVA GENERACIJA
- SEMINAR ZA OPĆINE I LOKALNE RAZVOJNE AGENCIJE
- RADIONICA "PISANJE POSLOVNOG PLANA I KREDITNIH APLIKACIJA"

POSLOVNI SUSRETI SA HOLANDSKIM PRIVREDNICIMA

Bilateralni poslovni susreti bosanskohercegovačkih i holandskih privrednika u organizaciji Regionalne razvojne agencije za regiju Centralnu BiH – REZ u partnerstvu sa Kraljevskom Asocijacijom metalaca - Royal Metaalunie iz Holandije održani su 04. i 05. novembra 2010. godine u Zenici. REZ Agencija je i prethodnih godina organizovala takve susrete, a ovogodišnji poslovni susreti su se održali uz podršku Ambasade Kraljevine Holandije u Sarajevu. Poslovni susreti su okupili preduzeća iz metaloprerađivačke, drvne, industrijske proizvodnje komponenti od brizgane plastike, intelektualne usluge inženjeringa i projektovanja, a raspored bilateralnih susreta je planiran unaprijed prema poslovnim profilima i izraženim interesima prijavljenih preduzeća. Učestvovalo je 12 holandskih i 57 domaćih preduzeća iz cijele Bosne i Hercegovine. Cilj susreta je upoznavanje holandskih preduzetnika sa potencijalima bosanskohercegovačkog tržišta.



Detalji sa poslovnih susreta

Među holandskim preduzećima je svakako najpoznatije preduzeće Philips Consumer Lifestyle, za koje je razumljivo, vladao i najveći interes, obzirom da interes Philips Consumer Lifestyle-a nije bio trgovina nego mogućnosti za proizvodnju i sklapanje komponenti.

Osim kroz direktne kontakte, gosti su informacije o bosanskohercegovačkom tržištu i mogućnostima dobili i od Agencije za promociju izvoza (BHEPA) i Agencije za promociju investicija (FIPA) koje su svojim učešćem podržale ovaj događaj.

Poslovni susreti „Connecting Markets 2010“ su 6. po redu u organizaciji REZ Agencije, a 4. sa holandskim preduzetnicima. Tokom susreta je održano 99 sastanaka i 12 posjeta holandskih učesnika preduzećima u Bosni i Hercegovini.



BH PREDUZEĆA ZAJEDNO NA SAJMU SASO 2010.

Regionalna razvojna agencija REZ (u sklopu implementacije SET projekta, finansiranog od strane Holandske Ambasade u BiH) i USAID-Sida FIRMA projekta organizovali su zajedničko izlaganje 20 drvnoprerađivačkih i metaloprerađivačkih preduzeća iz Bosne i Hercegovine na renomiranom regionalnom sajmu SASO 2010, koji se održao od 20. do 24. oktobra u Splitu.

Bosanskohercegovačka preduzeća su ovom prilikom predstavila svoje proizvode i aktivnosti na novom atraktivnom sajamskom štandu koji se protezao na 250 m², a čiju je konstrukciju podržao metaloprerađivački sektor USAID-Sida FIRMA projekta. Svrha zajedničkog izlaganja na sajmu SASO 2010 je jačanje tržišnih veza, a ovaj događaj izvrsna je prilika za bh preduzeća da se susretnu sa potencijalnim partnerima i investitorima.

U cilju unapređenja cjelokupne prezentacije bosanskohercegovačkih preduzeća i njihovih proizvoda REZ i FIRMA pomogli su u izradi promotivnog materijala preduzeća izlagača, a održana je i radionica na temu uspješnog predstavljanja preduzeća na sajmovima.



SEMINAR NA TEMU „UNAPREĐENJE INOVATIVNOSTI MALIH I SREDNJIH PREDUZEĆA U BIH“

Projekt EURELSMED, „Podrška Evropske unije u izgradnji institucionalnih kapaciteta za regionalni i lokalni ekonomski razvoj i razvoj malih i srednjih preduzeća“, finansiran od strane EU, u saradnji sa REZ Agencijom, organizovao je seminar na temu „Unapređenje inovativnosti malih i srednjih preduzeća u Bosni i Hercegovini“, koji se održao 11. novembra 2010. godine Zenici.

Cilj ovog seminara bio je ispitati kokurentsku poziciju

poslovnog sektora u BiH, mjere koje mogu biti uvedene kako bi se poboljšali poslovni rezultati malih preduzeća.

Na seminaru je naglašena važnost izrade politika i razvoja prakse (slično susjednim državama), kao i važnost prepoznavanja činjenice da konkurentna ekonomija čini jedan od kriterija iz Kopenhagena koji moraju biti ispunjeni kako bi se osigurao ulazak u Evropsku uniju sukladno ciljevima.

CAD INFO RADIONICE

U organizaciji REZ Agencije održane su CAD info radionice, jedna u Jelahu (Tešanj) i druga u Travniku, a uz podršku projekta FIRMA kojeg u BiH finansira USAID-Sida. Predavač je bio dr. Samir Lemeš, redovni profesor na Mašinskom fakultetu u Zenici. Cilj info radionice je da se tehničko osoblje malih i srednjih preduzeća upoznaju sa najnovijim dostignućima u području konstruiranja pomoću CAD/CAM kompjuterskih programa.

U toku info radionice održane su slijedeće prezentacije:

- Osnovni koncepti CAD/CAM/CAE objašnjenje terminologije, koncepti, teoretske podloge, računarska grafika
- Izrada 2D tehničke dokumentacije: Autocad 2010, novi korisnički interface, tehnike modeliranja, od 2D do 3D
- Softverska rješenja za 3D dizajn inventor, SolidWorks, Siemens NX, Catia, ProE hardverski zahtjevi, ulazni/izlazni hardver, formati datoteka, licenciranje, mogućnosti



Radionica u Travniku

- CAD/CAM simulacije, metod konačnih elemenata, softveri CNC programiranje, generiranje G-koda
- Nove tehnologije 3D skeniranje, Rapid prototyping, 3D printing, trendovi budućeg razvoja ovih tehnologija
- Radionica izbor najprikladnijeg CAD softvera za mala i srednja preduzeća.

KONFERENCIJA „RAZVOJ POSLOVANJA 2010“

REZ Regionalna razvojna agencija za regiju Centralna BiH je podržala konferenciju „Business Development Conference 2010 - Razvoj poslovanja 2010“ koju je organizovao Ekonomski fakultet Univerziteta u Zenici, a koja se održala 12. novembra.

Konferenciju je otvorio prof. dr. Dževad Zečić, dekan Ekonomskog fakulteta u Zenici. Uvodna predavanja su održali doc. dr. Kemal Kozarić, guverner Centralne banke BiH, prof. dr. Bahrija Umihanić sa Univerziteta u Tuzli i predstavnici REZ Agencije koji su prezentovali BizRez portal za mala i srednja preduzeća i BestInvest portal za poslovnu infrastrukturu.

Konferenciji je prisustvovao veliki broj zvaničnika, predstavnika akademske zajednice iz BiH i inozemstva, predstavnici općina, REZ Agencije, preduzeća, medija i drugi uvaženi gosti.



PREZENTACIJA GRANT SREDSTAVA FIRMA PROJEKTA

REZ Agencija, u saradnji sa općinom Maglaj i projektom FIRMA, organizovala prezentaciju grant sredstava FIRMA projekta koja se održala 23. novembra 2010. godine u Maglaju. Prezentaciji je prisustvovalo 16 privrednih subjekata koji su registrovani na području općine Maglaj, predstavnici općine, REZ Agencije, kao i predstavnici medija.

Prezentaciju grant sredstava projekta FIRMA, koja su

na raspolaganju malim i srednjim preduzećima, te o uslovima i načinu apliciranja, održala je gđa Maja Ibrahimpašić iz FIRMA projekta, a g. Krunoslav Rašić je uopšteno prezentirao FIRMA projekt.

REZ Agencija je pozvala sve prisutne da apliciraju na prezentovana grant sredstva, pišu projektne prijedloge, a uposlenici Agencije će biti na usluzi za sva potrebna pojašnjenja kao i dodatne informacije.

RADIONICA NA TEMU "CE OZNAČAVANJE"

U prostoru Poslovnog inkubatora u Zavidovićima 14. decembra 2010. godine održana je radionica na temu "CE označavanje". Predavač na seminaru bio je g. Zoran Gackić priznati bosanskohercegovački ekspert za CE i FSC označavanja i standardizacije.

Radionica je prvenstveno bila namjenjena preduzećima iz oblasti drvoprerađivačke (građevinska stolarija, podovi, stepenice, montažne kuće, namještaj i sl.) koje izvoze ili se pripremaju izvoziti, a CE znak i FSC standard neki su od uslova za izvoz u zemlje Evropske unije. Također, pored preduzeća iz drvoprerađivačke, radionici su prisustvovali i drugi privrednici zainteresovani za ovakvu edukaciju od kojih bi izdvojili predstavnike Šumsko-privrednog društva sa sjedištem u Zavidovićima. U toku radionice prisutni su imali priliku da se upoznaju sa zahtjevima tržišta za posjedovanjem CE oznake, kao i procedurama i načinom dobijanja sertifikata, i o CE oznaci na proizvodu.

Tokom radionice učesnicima su bili predstavljeni

„Vodič, standardi i standardizacija za bosanskohercegovačke kompanije – drvoprerađivački i metaloprerađivački sektor“, te projekt „MENTOR“ koji implementira REZ Agencija u saradnji sa svojim partnerima.



Regionalni razvoj

SASTANAK MREŽE MONITORA

U prostorijama Sarajevske regionalne razvojne agencije SERDA 15. oktobra 2010. godine održan je

redovni sastanak predstavnika Mreže monitora svih 5 regionalnih razvojnih agencija Bosne i Hercegovine.

Mreža monitora prvobitno je uspostavljena sa ciljem praćenja i nadzora u implementaciji svih projekata, iz predhodnih 5 javnih poziva Delegacije Evropske komisije u BiH, namijenjenih za podršku lokalnom i regionalnom ekonomskom razvoju, te je jedan od elemenata uspostavljenog sistema kontrole koji osigurava racionalno i efikasno trošenje novca iz fondova Evropske unije. Za potrebe 6. Javnog poziva Delegacije Evropske komisije u BiH regionalne agencije nisu angažovane kao monitori jer su i same aplicirale za sredstva iz navedenog fonda, te su direktni korisnici sredstava ili partneri u implementaciji na nekim od odobrenih projekata.

Sastanak je organizovan u cilju usaglašavanja detalja koje je neophodno uraditi kako bi Mreža mogla kvalitetno nastupati sa apliciranjem za angažmane u monitoringu projekata kod različitih donatora u Bosni i Hercegovini.



Sastanak mreže monitora

ZAVRŠEN CIKLUS SEMINARA ZA POSLOVNU INFRASTRUKTURU

Dvodnevni seminar na temu „Marketing plan i struktura marketing plana polovne zone“-III dio se održao 14. i 15. oktobra u prostorijama REZ Agencije u Zenici. Seminaru su prisustvovali predstavnici 4 općine (Kakanj, Travnik, Žepče i Tešanj), a predavač na radionici bio je g. Zrinski Pelajić, stručnjak u oblasti poslovne infrastrukture.

Radionica se organizovala u okviru aktivnosti Programa podrške izvozu i trgovini - SET finansiranog od strane holandske Vlade, a u svrhu poboljšanja poslovne infrastrukture i uslova za investiranje u regiji Centralna BiH i nastavak je već započete kontinuirane edukacije općinskih kadrova.

Početkom novembra 2010. godine, tačnije 11. i 12. novembra organizovan je seminar na temu „Finansiranje razvoja, upravljanje i održavanje poslovne zone“.

Svrha seminara je poboljšanje poslovne infrastrukture uspostavljanje industrijskih/poslovnih zona i poslovnih inkubatora kao uslova za investiranje u regiji Centralna BiH, a ova obuka također predstavlja i završetak ciklusa seminara na ovu temu.

Ove aktivnosti se realizuju u saradnji sa Njemačkim društvom za tehničku saradnju GTZ koje provodi program tehničke podrške općinama Centralne BiH za razvoj industrijskih i poslovnih zona, kao i promociju



investiranja, a koja predviđa seminare, treninge i direktnu tehničku podršku odabranim općinama.

Nakon završetka ciklusa seminara o poslovnoj infrastrukturi svaka od četiri odabrane općine posjeduje po jedan završen Marketing plan poslovne/industrijske zone.

Prezentacija završenih poslovnih planova održana je 29. novembra za općine Tešanj i Žepče, a 30. novembra za općine Travnik i Kakanj uz prisustvo načelnika i uposlenika općina, REZ Agencije i medija.

PREZENTACIJA PRIRUČNIKA ZA POSLOVNE ZONE

REZ Regionalna razvojna agencija za regiju Centralna BiH je 10. decembra u Vitezu organizovala prezentaciju Priručnika „Uspostavljanje i upravljanje poslovnim zonama“, poslovnih portala „Bestinvest“, „BizREZ“ kao i Mep baze podataka.

Priručnik, poslovni portali i Mep baza podataka su izrađeni u okviru aktivnosti Programa podrške izvozu i trgovini - SET finansiranog od strane Vlade Kraljevine Holandije, a u svrhu poboljšanja poslovne infrastrukture i uslova za investiranje u regiji Centralna BiH.

Izrada Priručnika realizovana je u saradnji sa Njemačkim društvom za tehničku saradnju GTZ LRWF koje provodi program tehničke podrške općinama Centralne BiH za razvoj industrijskih i poslovnih zona.

Bestinvest je poslovni portal namijenjen za promociju poslovne infrastrukture u Regiji Centralna BiH i namijenjen je privlačenju potencijalnih investitora u Regiju.

BizREZ poslovni portal za mala i srednja preduzeća je namijenjen svim preduzetnicima, kao i onima koji razmišljaju o ulasku u svijet preduzetništva.

MEP (Market Economic Profile) baza podataka izrađena je kao internetska (web) aplikacija. Služi za unos, praćenje i obradu podataka o socio-ekonomskim indikatorima.

Događaju su prisustvovali predstavnici Ministarstva privrede Ze-do i Srednjobosanskog kantona, općina

regije Centralna BiH, Njemačkog društva za tehničku saradnju GTZ LRWF, lokalnih razvojnih agencija i drugi uvaženi gosti.



PROJEKTI REZ AGENCIJE

Početak decembra tekuće godine odobrena su dva nova projekta koje će tokom 2011. godine implementirati REZ Agencija.

STARTER



Projekt pod nazivom „Starter - kako poslovnu ideju pretvoriti u održiv izvor prihoda“ odobren je od strane Ambasade Kraljevine Norveške u iznosu od 40.000,00 KM. Ugovor o donaciji potpisan je 01. decembra, kada je i započela implementacija projekta, a predviđeno trajanje projekta je 8 mjeseci.

Glavni cilj projekta je unapređenje postojećeg poslovnog orkuženja i ubrzanje ekonomskog razvoja regije Centralna BiH, dok je njegov specifični cilj smanjenje stope nezaposlenih i promocija preduzetništva.

Osnovni zadaci koje projekt treba ostvariti su i unapređenje znanja i vještina mladih ljudi putem ciljane edukacije, kreiranje modela podrške koji će biti na raspolaganju mladim obrazovanim kadrovima, ali i jačanje preduzetničkog duha kod mladih osoba.

Očekivani rezultati projekta su:

- Model podrške start-up preduzećima uspostavljen u 5 općina regije Centralna BiH
- 75 nezaposlenih, mladih ljudi uključeno u program edukacije
- 35 urađenih poslovnih planova
- 15 najboljih poslovnih ideja dobilo finansijsku podršku
- 35.000 dodijeljeno mladim preduzetnicima kao podrška za započinjanje vlastitog biznisa

FARMA projekt



Održavanje specijaliziranih treninga za unapređenje poslovnih vještina kod proizvođača i prerađivača poljoprivrednih proizvoda, je projekt koji je finansijski podržan od strane FARMA programa, u iznosu od 16.009 KM, a koji će implementirati REZ Agencija.

FARMA je četverogodišnji program financiran od strane Američke agencije za međunarodni razvoj (USAID) i Švedske međunarodne razvojne agencije (Sida), a namijenjen je razvoju poljoprivrednog i prerađivačkog sektora u BiH.

Ugovor o donaciji potpisan je 30. novembra, a predviđeno trajanje projekta je 5 mjeseci. Cilj projekta je poboljšati poslovne vještine kod proizvođača i prerađivača poljoprivrednih proizvoda, organizirajući interaktivne radionice na temu poslovnog planiranja te pružanje pomoći polaznicima seminara da razrade poslovne planove i kreditne aplikacije.

Očekivani rezultati projekta su:


- Minimalno 40 osoba će biti uključeno u program edukacije na temu „Poslovno planiranje/Kreditne aplikacije“
- Minimalno 40 osoba će biti uključeno u program edukacije na temu „Praćenje prihoda i rashoda“
- Minimalno 15 polaznika edukacije će završiti poslovni plan/ili kreditnu aplikaciju
- Minimalno 20 polaznika će uspostaviti sistem praćenja prihoda i rashoda.

Jačanje ljudskih resursa

UPISANA NOVA GENERACIJA

Cisco Akademija mrežnih tehnologija u Zenici upisala je novu generaciju polaznika. Nastava za VII generaciju počela je 30. oktobra i upisano je sedamnaest novih polaznika koji su položili prijemni ispit i stekli uslove za upis na nastavni program CCNA Exploration.

Trenutno na Cisco Akademiji nastavu pohađa 37 polaznika raspoređeno u tri generacije, a upis za narednu generaciju planiran je na proljeće 2011. godine.



Polaznici VII generacije

Izgradnja kapaciteta lokalnih nosilaca ekonomskog razvoja regije Centralna BiH

SEMINAR ZA OPĆINE I LOKALNE RAZVOJNE AGENCIJE

U okviru projekta Podrška Evropske unije institucionalnom jačanju kapaciteta za regionalni i lokalni razvoj i razvoj malih i srednjih preduzeća (EURELSMED) u Zenici je u periodu od 07. do 10. decembra održan seminar namijenjen uposlenicima općina i lokalnih razvojnih agencija iz regije Centralna BiH.

Tema seminara je bila Upravljanje projektnim ciklusom i pristup logičke matrice za identifikaciju i razvoj projekata u kontekstu trenutnih/budućih programa finansiranja. Ovaj četvorodnevni program obuke je bio fokusiran na identifikaciju problema i analizu ciljeva, identifikaciju projekata, izradu logičkog okvira i projektne aplikacije, uključujući akcioni plan i budžet, te implementaciju projekta. Obuka je izvedena putem interaktivnih radionica i vođenog rada u grupama, čime se nastojala razviti kompetentnost i unaprijediti praktično znanje učesnika kako bi mogli voditi cijeli proces, od postavljanja projekne ideje do razvijenog prijedloga projekta.

Seminar, na kojem su učestvovali predstavnici općina Zenica, Zavidovići, Maglaj i Busovača i lokalnih razvojnih agencija iz Zenice (ZEDA), Zavidovića (RAZ) i Žepča (RAŽ), održali su eksperti za regionalni razvoj

i savjetovanje općina g. Pavlos Kollias i gđa Stefania Popa, uz asistenciju predstavnika REZ Agencije. Projekt EURELSMED se realizira na području cijele Bosne i Hercegovine, pa će u prvoj polovini naredne godine ovi seminari biti organizirani i za ostale općine iz naše regije.



Poljoprivreda i ruralni razvoj

RADIONICA "PISANJE POSLOVNOG PLANA I KREDITNIH APLIKACIJA"

Od 20.-22. decembra u prostorijama hotela HEKO u Bugojnu je održana radionica/trening na temu "Pisanje poslovnog plana i kreditnih aplikacija" za individualne farmere i male farme sa područja Srednjo-bosanskog kantona. Radionica je organizovana od strane REZ Agencije u saradnji sa NUPP (Nezavisno udruženje poljoprivrednih proizvođača Gornjevrbske regije) Bugojno, a uz sufinansiranje USAID-Sida FARMA projekta.

Trening je imao za cilj da se individualni farmeri i male farme osposobe za izradu poslovne dokumentacije i aplikacija na kreditne linije i grantove za podsticaj poljoprivrede i malog preduzetništva, te na taj način budu u stanju da samostalno dođu do povoljnijih finansijskih sredstava za poslovanje i razvoj.

Pored teoretskog dijela na radionici su prezentirani i praktični primjeri, te su učesnici uz asistenciju stručnih predavača uradili sopstvene poslovne planove koji će u budućnosti biti solidna osnova za pribavljanje finansijskih sredstava.

Za 23 učesnika, koliko ih je pohađalo radionicu, su pripremljeni Vodič za pisanje poslovnog plana i Radna



bilježnica, te dodatni materijali na CD-u sa primjerima poslovnih planova, korisnim knjigama iz oblasti poljoprivrede i pregledom poticaja i kredita namijenjenih poljoprivrednim proizvođačima. Na kraju radionice polaznicima su dodjeljeni prigodni certifikati kojima se potvrđuje prisustvo i učešće na treningu.

POMOZITE NAM DA SPASIMO ŽIVOT NAŠEM PRIJETELJU I RADNOM KOLEGI



REZ Agencija poziva sve naše prijatelje, poslovne suradnike, poznanike i sve ljude dobre volje na humanost! Molimo vas da date svoj doprinos, u skladu sa vašim mogućnostima, i na taj način pomognete u prikupljanju novčanih sredstava neophodnih za liječenje našeg dugogodišnjeg uposlenika, Kenana Kremića, rođenog 1977. godine, koji boluje od teške bolesti, akutne limfoblastne leukemije ALL-L2.

Kenan je izuzetan čovjek, naš jako dobar prijatelj i iznimno vrijedan radnik. REZ Agencija osjeća obavezu da uradi sve što je u našoj moći kako bi se pravovremeno osigurala sredstva potrebna za njegovo liječenje. Kenanu je hitno potrebna transplantacija koštane srži, koju je moguće obaviti jedino u inostranstvu, a troškovi zahvata su procijenjeni na oko 350.000,00 KM.

U Kenanovo ime, ime njegove porodice, prijatelja i radnih kolega unaprijed vam se zahvaljujemo na svakoj vrsti pomoći i podrške.

Upute za uplatu

Uplata sredstava u Bosni i Hercegovini vrši se na slijedeći način:

SVRHA UPLATE: Uplata za liječenje Kremić Kenana-partija 1605017110008935
PRIMALAC: Vakufska banka dd Sarajevo-filijala Zenica
RAČUN PRIMAOCA: 1604208500013786

Uplata sredstava iz inostranstva vrši se na slijedeći način:

SVRHA UPLATE: Uplata za liječenje Kremić Kenana
PRIMALAC: Kremić Besim
Prve zeničke brigade 13a
72000 ZENICA
IBAN: BA39 1605017110008741
Vakufska banka dd Sarajevo, Bosnia and Herzegovina
BIC Code: VAKUBA 22
KORESPODENTNA BANKA: COMMERZBANK AG
FRANKFURT, GERMANY
BIC Code: COBADEFF